

VENDIM
Nr. 574, datë 3.9.2014

**PËR DISA NDRYSHIME NË VENDIMIN NR. 848, DATË 21.10.2010, TË KËSHILLIT
TË MINISTRAVE, “PËR SHPRONËSIMIN, PËR INTERES PUBLIK, TË
PRONARËVE TË PASURIVE TË PALUAJTSHME, PRONË PRIVATE, QË PREKEN
NGA NDËRTIMI I LINJËS 400 KV, TIRANË 2 – ELBASAN 2, QARKU I ELBASANIT”,
TË NDRYSHUAR**

Në mbështetje të nenit 100 të Kushtetutës dhe të neneve 5, pika 1, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e ministrit të Energjisë dhe Industrisë, Këshilli i Ministrave

VENDOSI:

Në vendimin nr. 848, datë 21.10.2010, të Këshillit të Ministrave, të ndryshuar, bëhen këto ndryshime:

1. Pikat 3 dhe 4 ndryshohen, si më poshtë vijon:

“3. Pronarët e pasurive të paluajtshme, që shpronësohen, të kompensohen në lekë, në vlerë të plotë, sipas masës përkatëse të kompensimit, që paraqitet në tabelën që i bashkëlidhet këtij vendimi, për sipërfaqen e përgjithshme 5853.7 (pesë mijë e tetëqind e pesëdhjetë e tre pikë shtatë) m², vlerësuar në shumën e përgjithshme prej 139 296 599.9 (njëqind e tridhjetë e nëntë milionë e dyqind e nëntëdhjetë e gjashtë mijë e pesëqind e nëntëdhjetë e nëntë pikë nëntë) lekësh.

4. Vlera e përgjithshme e shpronësimit, prej 139 296 599.9 (njëqind e tridhjetë e nëntë milionë e dyqind e nëntëdhjetë e gjashtë mijë e pesëqind e nëntëdhjetë e nëntë pikë nëntë) lekësh, të përballohet nga fondet e “OST” sh.a.-së.”.

2. Në tabelën e të shpronësuarve, bashkëlidhur vendimit, bëhen këto ndryshime:

- Sipërfaqja për t’u shpronësuar, e pronës nr. 34/1/5, e përcaktuar në nënndarjen nr. 32, bëhet 362.9 m².

- Sipërfaqja për t’u shpronësuar, e pronës nr. 545/4/2, e përcaktuar në nënndarjen nr. 29, bëhet 208.1 m².

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama